



CONCELLO DE CAMARIÑAS
A CORUÑA

ANUNCIO

CONCESIÓN DEMANIAL DAS UNIDADES DE ENTERRAMENTO DO CEMITERIO MUNICIPAL DO CONCELLO DE CAMARIÑAS

DATA DE PUBLICACIÓN NO TABOLEIRO DE ANUNCIOS DO CONCELLO: 18 DE MAIO DE 2026

DATA DE PUBLICACIÓN DO ANUNCIO NO BOP: 18 DE MAIO DE 2026

Faise público que o Pleno deste Concello de Camariñas, en sesión ordinaria celebrada o día 27 de marzo de 2026 adoptou o acordo de aprobación do expediente para a concesión demanial de dereitos funerarios das unidades de enterramento do Cemiterio Municipal de Camariñas, que transcrito literalmente dí:

“PROPOSTA ACORDO

ASUNTO.- CONCESIÓN DEMANIAL DAS UNIDADES DE ENTERRAMENTO DO CEMITERIO MUNICIPAL DO CONCELLO DE CAMARIÑAS

EXPEDIENTE.- 2026/X999/000071

Dáse conta do expediente tramitado para a concesión demanial de dereitos funerarios sobre 100 unidades de enterramento (nichos, columbarios e mausoleos) construídos con anterioridade no Cemiterio Municipal de Camariñas, Estrada do Vilán s/n, 15123 (Camariñas), sobre a rasante do terreo para albergar exclusivamente cadáveres e restos cadavéricos ata a finalización do período da concesión que será de 75 anos.

Examinado e achado conforme o expediente de concesión tramitado para o efecto, no que constan entre outros documentos:

- Providencia de Alcaldía
- Prego de condicións económico-administrativas.
- Informes emitidos pola Secretaria e Interventora municipais

Visto que de conformidade co disposto no artigo 25.2.k) LBRL “O Municipio exercerá en todo caso como competencias propias, nos termos da lexislación do Estado e das Comunidades Autónomas,



CONCELLO DE CAMARIÑAS

A CORUÑA

nas seguintes materias(...) Cemiterios e actividades funerarias (...)”, pronunciándose en termos semellantes o artigo 80 LRALG, que engade no seu artigo 81.a) que “*Os municipios, independentemente ou asociados, prestarán, como mínimo, os seguintes servizos: En todos os municipios (...) cemiterio*”.

Visto o establecido na Disposición Adicional 2º LCSP que atribúe ao Pleno as competencias como órgano de contratación cando o valor estimado supere o 10 por cento dos recursos ordinarios do orzamento, e en calquera caso a contía de seis millóns de euros ou cando a duración sexa superior a 4 anos e tendo en conta que a duración da concesión é de 75 anos, o órgano competente para a aprobación do expediente corresponde ao Pleno do Concello de Camariñas.

Considerando, á vista dos antecedentes anteriormente expostos e restante documentación/actuacións que obran no expediente, que se ten dado cumprimento ao preceptuado polo LCSP, PROPOÑO AO PLENO DO CONCELLO DE CAMARIÑAS, previo ditame de Comisión de Asuntos Xerais, a adopción do seguinte:

ACORDO:

Primeiro.- Aprobar, de conformidade co establecido no artigo 96 LPAP e nos artigos 115 e seguintes da LCSP o expediente para a concesión demanial de dereitos funerarios sobre 100 unidades de enterramento (nichos, columbarios e mausoleos) construídos con anterioridade no Cemiterio Municipal de Camariñas, Estrada do Vilán s/n, 15123 (Camariñas), sobre a rasante do terreo para albergar exclusivamente cadáveres e restos cadavéricos ata a finalización do período da concesión que será de 75 anos.

Segundo.- Aprobar e utilizar para a devandita concesión o prego de condicións económico-administrativas que rexerán as concesións administrativas dos nichos situados no cemiterio municipal de camariñas, levándose a cabo polo procedemento aberto e libre concorrència e que se incorporan como Anexo I ao presente acordo.

Terceiro.- Dispoñer, de conformidade co artigo 93.1 LPAP a apertura do procedemento de adjudicación, procedemento aberto en réxime de concorrència, á publicación no Boletín Oficial da Provincia e no Taboleiro de Anuncios do Concello de Camariñas, para que no prazo de 6 meses a contar dende o seguinte a data de publicación do anuncio, as persoas interesadas en participar no procedemento presentes as súas ofertas.

Cuarto.- De conformidade co previsto na disposición adicional 2ª da LCSP procédese á designación da Mesa de Contratación, a cal queda integrada polos seguintes membros:



CONCELLO DE CAMARIÑAS A CORUÑA

Presidente:

D. Sergio Caamaño Fernández, Concelleiro do Concello.

Suplente do presidente:

D^a Sandra Insua Rial, Alcaldesa-Presidenta do Concello.

Vogais:

D^a Eva Jardón López, Secretaria da Corporación ou persoa que legalmente a substitúa.

D^a María Emilia García Maneiro, Interventora da Corporación ou persoa que legalmente a substitúa.

D^a Asunción Pérez Vilalta, arquitecta municipal.

Secretario:

D. Victorino Nión Carril, funcionario adscrito á Secretaría.

Suplente do secretario:

D^a Dolores Rey Bértola, funcionaria adscrita á Secretaría.

Quinto.- Delegar na Alcaldía do Concello de Camariñas todas cantas cuestións e trámites deriven deste procedemento de concesión demanial.

Asinado dixitalmente en Camariñas, na data da sinatura dixital que figura ao marxe, a Alcaldesa do Concello de Camriñas, dona Sandra Insua Rial.



CONCELLO DE CAMARIÑAS

A CORUÑA

ANEXO I

PREGO DE CONDICIÓN ECONÓMICO-ADMINISTRATIVAS QUE REXERÁN AS CONCESIÓN ADMINISTRATIVAS DOS NICHOS SITUADOS NO CEMITERIO MUNICIPAL DE CAMARIÑAS, LEVANDOSE A CABO POLO PROCEDIMENTO ABERTO.

I.- O B X E C T O

O presente prego ten por obxecto regular o procedemento de concesión de dereitos funerarios sobre 100 unidades de enterramento (nichos, columbarios e mausoleos) construídos con anterioridade no Cemiterio Municipal de Camariñas, Estrada do Vilán s/n, 15123 (Camariñas), sobre a rasante do terreo para albergar exclusivamente cadáveres e restos cadavéricos ata a finalización do período da concesión.

A natureza xurídica do contrato que se perfeccione será a de concesión administrativa de dominio público, ó amparo do disposto nos artigos 84 e 93 da Lei 33/2003 de 3 de novembro, de patrimonio das administracións públicas (en adiante LPAP) e do artigo 78 e seguintes do Real decreto 1372/1986 de 13 de xuño, polo que se aproba o Regulamento de bens das entidades locais (en adiante RBEL).

O número máximo de panteóns a construír é de 100, independentemente das solicitudes finais.

II.- ÓRGANO DE CONTRATACIÓN

O órgano de contratación, sería o Pleno, en virtude das competencias establecidas na disposición adicional 2º da Lei 9/2017, de 8 de novembro, de Contratos do Sector Público, polo que se traspoñen ao ordenamento xurídico español as Directivas do Parlamento Europeo e do Concello 2014/23/UE e 2014/24/UE, de 26 de febreiro de 2014.

O mencionado órgano ten facultade para adjudicar o correspondente contrato de concesión e, en consecuencia, ostenta as prerrogativas de interpoñelo, resolver as dúbidas que ofrezca o seu cumprimento, modificalo por razóns de interese público, acordar a súa resolución e determinar os efectos desta, con suxeición á normativa aplicable. Os acordos que a este respecto diten serán



CONCELLO DE CAMARIÑAS A CORUÑA

executivos, sen prexuízo do dereito do concesionario á súa impugnación ante a xurisdición competente.

III.-PROCEDEMENTO E FORMA DE ADXUDICACIÓN DO CONTRATO.

As presentes concesións administrativas, de conformidade co artigo 93 da Lei 33/2003 de 03 de novembro, de patrimonio das administracións públicas, de carácter básico, outorgaranse en réxime de concorrncia, mediante o procedemento aberto, de conformidade co establecido nos artigos 78 e 80 do Real decreto 1372/1986, de 13 de xuño, polo que se aproba o Regulamento de bens das entidades locais, e rexeranse por:

- A Lei 9/2017, de 8 de novembro, de Contratos do Sector Público, polo que se traspoñen ao ordenamento xurídico español as Directivas do Parlamento Europeo e do Concello 2014/23/UE e 2014/24/UE, de 26 de febreiro de 2014 (LCSP).

- O Regulamento xeral da lei de contratos das administracións públicas, aprobado polo R.D. 1098/2001, de 12 de outubro.

- A Lei 33/2003 de 3 de novembro, do patrimonio das administracións públicas (LPAP).

- O Real Decreto 1372/1986, de 13 de xuño, polo que se aproba o Regulamento de Bens das Entidades Locais (RBEL).

- A Lei 7/1985, de 2 de abril, Reguladora das Bases de Réxime Local (LBRL).

- O Texto refundido das disposicións legais vixentes en materia de réxime local, aprobado polo R.D. lexislativo 781/86 de 18 de abril (TRRL).

- Lei 5/1997, de 22 de xullo, de Administración Local de Galicia (LALGA).

- O presente Prego de Cláusulas Administrativas.

- O Regulamento Municipal do Cemiterio Municipal de Camariñas, aprobado polo Pleno do Concello de data 28 de maio de 2025 e publicado no BOP 160, de 25 de agosto de 2025.

- Ordenanza Fiscal nº 14 Reguladora da Taxa do Cemiterio Municipal de Camariñas, aprobada polo Pleno do Concello en data 28 de maio de 2025 e publicado no BOP 161, de 26 de agosto de 2025.

- Cantas disposicións de dereito público ou privado sexan de directa ou de supletoria aplicación.

A relación normativa antes citada non se establece baixo o principio de norma aplicable preferentemente fronte ás demais, de contrario a aplicación preferente de calquera delas fronte ás demais réxense polos principios xerais de aplicación das normas.



CONCELLO DE CAMARIÑAS A CORUÑA

IV.-DELIMITACION DO BEN OBXECTO DE CONCESIÓN

O ben obxecto das concesións administrativas, son as unidades de enterramento (nichos, columbarios e mausoleos) construídos con anterioridade no Cemiterio Municipal de Camariñas.

O cemiterio é un ben de servizo público tal e como sinala o artigo 4 RBEL e o artigo 265 LALGA, e polo tanto como sinala a citada normativa, é posible o uso privativo, que será o constituído por unha parte do dominio público de modo que limite o exclúa a utilización polos demais, se ben atopase suxeito a concesión administrativa como resulta dos artigos 78 RBEL.

Son instalacións do cemiterio municipal de Camariñas o conxunto de unidades de enterramento (nichos, columbarios e mausoleos) así como os elementos e edificacións accesorias (puntos de recollida de lixo, puntos de auga, baños, sala de autopsias, oficinas, capela e almacéns de usos varios).

Para efectos identificativos, denominarase:

Nicho: Unidade de enterramento construída en edificación.

Panteón: Conxunto de unidades de enterramento.

Mausoleo: Edificación onde se atopan diferentes unidades de enterramento.

Columbario: Unidade para depósito de urnas de cinzas resultantes da cremación ou para depósito de ósos.

Os nichos, panteóns e columbarios serán identificados con unha serie de números e letras, describindo así a súa ubicación. Os/as concesionarios/as quedan obrigados a aceptar o número que lles corresponda

V.-VIXENCIA

O prazo máximo da concesión será de setenta e cinco (75) anos, contados a partir da data de expedición do documento acreditativo da mesma ou “Título da concesión” e independentemente del número de transmisións que se realicen durante este período.

Transcorrido o prazo da concesión os nichos reverteran ao Concello.

VI.- CANÓN DA CONCESIÓN E FORMA DE PAGO



CONCELLO DE CAMARIÑAS A CORUÑA

O prezo ou canón da concesión ascende a mil cento sesenta euros con noventa e nove céntimos (1.160,99 €) cada nicho. Dito prezo permanecerá invariable ata a adxudicación de toda a promoción.

O antedito canón será abonado da seguinte forma:

Primeira entrega.- O 20% do canón da concesión deberá ser satisfeito no momento da solicitude (232,20 €) , como depósito previo do importe do canon que se establece, procedendo á devolución do mesmo, si finalmente non se concede o dereito funerario solicitado. Xunto coa solicitude de participación no procedemento de adxudicación, deberá presentarse xustificante de ingreso do depósito, que se autoliquidará individualmente a través da oficina virtual tributaria do Concello de Camariñas (<https://ovtcamarinas.dacoruna.gal/ga/>) ou coa colaboración dos servizos municipais, efectuando os pagos nos lugares indicados na carta de pago que se emita.

Segunda entrega.- O 80% do canón da concesión (928,79 €) deberá ser satisfeito dentro dos sete días hábiles seguintes á notificación por parte do Concello da adxudicación do dereito funerario, e que terá lugar, en todo caso, unha vez finalizadas as obras de construción do cemiterio. Dito 80% do canón da concesión deberá satisfacerse mediante autoliquidación individual a través da oficina virtual tributaria do Concello de Camariñas (<https://ovtcamarinas.dacoruna.gal/ga/>) ou coa colaboración dos servizos municipais, efectuando os pagos nos lugares indicados na carta de pago que se emita.

VII.-CAPACIDADE PARA CONTRATAR.

Poderán optar á adxudicación do dereito funerario sobre nichos, panteóns e columbarios, exclusivamente ás persoas físicas que cumpran os seguintes requisitos:

- a) Plena capacidade de obrar.
- b) Non estar incursas en ningunha das circunstancias recollidas na lexislación contractual como prohibitivas para contratar co sector público.
- c) Cumprir as limitacións e requisitos establecidos neste Regulamento e demais normativa que, se é o caso, resulten aplicables.

Consideraranse nulos e sen efecto ningún calquera acordo, disposición testamentaria, pacto ou contrato que sexa contrario ás disposicións do presente Regulamento.

En ningún caso poderá rexistrarse o dereito funerario a nome de persoas xurídicas nin de



CONCELLO DE CAMARIÑAS A CORUÑA

compañías de seguros, de previsión ou calquera outra similar que, exclusivamente como complemento doutros riscos, garantan aos seus afiliados o dereito a sepultura para o día do seu falecemento. As devanditas compañías unicamente poderán obrigarse a proporcionar ao asegurado o capital necesario para obtela.

VIII.-PRESENTACIÓN DE SOLICITUDES: LUGAR E PRAZO DE PRESENTACIÓN, FORMALIDADES E DOCUMENTACIÓN.

As solicitudes para participar presentaranse no Rexistro Xeral do Concello de Camariñas en horario 9 ás 14 horas, durante o prazo de 6 meses que comezarán a contar aos día seguinte ao da publicación do anuncio no Boletín Oficial da Provincia da Coruña.

Así mesmo, poderá realizarse a presentación por correo, en cuxo caso o interesado deberá acreditar, co resguardo correspondente, a data de imposición do envío na oficina de correos e anunciar o mesmo día ó órgano de contratación, por fax, telefax ou telegrama, a misión da solicitude. Sen tales requisitos non será admitida a solicitude no caso no que se recibise fóra do prazo fixado no anuncio de licitación.

As solicitudes constaran dun sobre que expresará xunto co nome do licitador, enderezo e nº de telefono e fax, a inscrición de “CONCESION DE NICHOS NO CEMITERIO MUNICIPAL DE CAMARIÑAS”, será asinado polo propio licitador e conterá seguinte documentación:

- Documento ou documentos que acrediten a personalidade do interesado e a representación, se é o caso, do asignante da solicitude, consistentes en:
 - Fotocopia do Documento Nacional de Identidade do licitador cando se trate de persoas físicas, ou de quen desempeñe a representación pública administrativa.
 - Cando se actúe por representación, poder notarial acreditativa da representación.
- Declaración responsable do licitador indicando que cumpre as condicións establecidas legalmente para contratar coa administración.
- Oferta, de conformidade co modelo anexo as presentes bases, con indicación do número de unidades de enterramento (nichos) solicitadas. O número de unidades de enterramento solicitadas por



CONCELLO DE CAMARIÑAS A CORUÑA

cada unidade familiar, entendendo por tal, aos efectos da presente licitación, aqueles que convivan nun mesmo domicilio segundo os datos do Padrón municipal do Concello de Camariñas non poderá ser superior a catro (4). Naqueles casos nos que a solicitude reflecta un número de unidades de enterramento superior ao limite antedito, entenderase que a mesma se refire a 4 unidades de enterramento (nichos).

- Certificación de atoparse co corrente das obrigas tributarias.

IX.- SISTEMA DE ADJUDICACIÓN DO DEREITO FUNERARIO

A valoración das solicitudes para a adxudicación dos **dereitos funerarios sobre unha unidade de enterramento (nicho)** efectuarase atendendo aos seguintes criterios de adxudicación:

- Os dereitos funerarios no cemiterio municipal de Camariñas dos que sexa titular o interesado, así de non ter concedido ningún dereito funerario sumará cinco (5) puntos e aqueles que sexan titulares dun o mais dereitos funerarios non obterán puntuación algunha (0 puntos) neste apartado.

- O numero de familiares que convivan co solicitante, á vista do Padrón municipal de habitantes do Concello de Camariñas (máximo 5 puntos):

- Na vivenda na que teña o seu domicilio habitual o solicitante so aparece empadroadado el, un (1) punto.
- Na vivenda na que teña o seu domicilio habitual aparece empadroadado o solicitante e unha persoa, dous (2) puntos.
- Na vivenda na que teña o seu domicilio habitual aparece empadroadado o solicitante e dúas persoas, tres (3) puntos.
- Na vivenda na que teña o seu domicilio habitual aparece empadroadado o solicitante e tres persoas, catro (4) puntos.
- Na vivenda na que teña o seu domicilio habitual aparece empadroadado o solicitante e cinco persoas, cinco (5) puntos.

- A idade dos solicitantes (máximo 5 puntos)

- Entre 60 e 70 anos, tres (3) puntos.
- Entre 70 e 80 anos, catro (4) puntos.
- Mais de 80 anos, cinco (5) puntos.

- A ocupación dunha unidade de enterramento (nicho) cuxo uso se atope reservado ao Concello para a atención de circunstancias especiais de enterramento por un familiar directo, dentro do segundo



CONCELLO DE CAMARIÑAS A CORUÑA

grao de consanguinidade ou afinidade do solicitante, será valorada con cinco (5) puntos. A tal efecto se terán en conta os rexistros municipais e a documentación acreditativa desta circunstancias que o interesado achegue coa solicitud.

Unha vez aplicados os criterios anteriores, en caso de empate en puntos o mesmo resolverase atendendo á orde de presentación das solicitudes, a cuxo fin terase en conta o día, hora e minuto de presentación no Rexistro Xeral do Concello. No caso das solicitudes por correo, terase en conta a data, hora e minuto da imposición do selo no rexistro da oficina de correos, e no caso de non figurar hora e minuto de presentación se tenderan por presentadas as 23:59 horas do día que figure na imposición do selo.

Se o número de solicitudes fora maior que ao de unidades de enterramento, coas solicitudes atendidas, confeccionarase unha lista de espera para atender ás adxudicacións derivadas de posibles renuncias e as mesmas se terán en conta para o caso de proxectarse unha nova ampliación do cemiterio e abrirse un novo procedemento de adxudicación, sempre que o mesma teña lugar dentro dos cinco anos seguintes á finalización do actual procedemento.

X.- MESA DE CONTRATACIÓN.

Para a adxudicación das unidades de enterramento (nichos) ou agrupacións de unidades de enterramento (panteóns) se constituirá a Mesa de Contratación, designada pola Alcaldía, de conformidade co disposto na Disposición Adicional 2ª LCSP.

XI.- CUALIFICACIÓN DA DOCUMENTACIÓN XERAL.

A apertura das solicitudes deberá efectuarse no prazo máximo dun mes contado desde a data de finalización do prazo para presentar as ofertas.

Concluído o citado prazo de presentación, a Mesa de Contratación procederá, en sesión non pública, á cualificación da documentación xeral, presentados polos licitadores, e se se observa defectos materiais na documentación presentada, notificarallo por correo electrónico ó licitador correspondente, deixando constancia da dita notificación no expediente, concedéndolle un prazo non superior a tres días hábiles para que o subsane. Agora ben, se a documentación dun licitador tivese defectos substanciais ou



CONCELLO DE CAMARIÑAS A CORUÑA

deficiencias materiais non subsanables, non será admitido a licitación.

Unha vez correcta a documentación o órgano de contratación ou órgano en que este delegue, deberá adxudicar o contrato dentro dos cinco días hábiles seguintes á recepción da documentación.

A adxudicación deberá notificarse aos candidatos ou licitadores e será requiridos para a formalización do contrato.

XII.- ASIGNACIÓN DE UNIDADES DE ENTERRAMENTO.

Unha vez realizada a baremación das solicitudes conforme as disposicións do presente prego, y aos efectos de determinar a asignación nominal das unidades de enterramento levarase a cabo un sorteo público no salón de plenos do Concello de Camariñas.

A data e hora de celebración do sorteo será obxecto de publicidade no taboleiro de anuncios do Concello de Camariñas, concedéndose un prazo aos solicitantes para a formación de lotes de solicitudes ao obxecto de que a asignación de unidades de enterramento (nichos) de ditos lotes fágase de maneira correlativa.

Sacaranse a sorteo os 100 nichos correspondentes ao último bloque construído, a orde a seguir será de esquerda a dereita, de abaixo a arriba, e completando os panteóns, pola orde de extracción das solicitudes ou lotes de solicitudes formados. Cando un lote de solicitudes non caiba nun bloque, pasarase ó seguinte bloque, retrocedendo nas solicitudes posteriores ata completalo bloque anterior.

Nos casos dos lotes de solicitudes formados a partir das preferencias dos solicitantes, a adxudicación concreta dos nichos e panteóns deixase á vontade dos propios solicitantes, debendo manifestar nas dependencias municipais a división establecida no prazo de 30 días hábiles a contar dende a data de celebración do sorteo. No caso de non chegar a un acordo, a orde de adxudicación será a de entrada da solicitude no rexistro, seguindo as mesmas regras que as fixadas para o sorteo.

XIII.- FORMALIZACIÓN DO CONTRATO E POSTA A DISPOSICIÓN DE BENS DEMANIAIS AO ADXUDICATARIO.

As concesións outorgadas formalizaranse en documento administrativo, dentro do prazo de quince días hábiles seguintes a aquel en que se reciba a notificación do acordo de adxudicación, dando fe o secretario (ou funcionario en quen delegue), e previa acreditación, entre outros, do pagamento do canon correspondente á segunda entrega o indicado na cláusula VI do presente prego.



CONCELLO DE CAMARIÑAS A CORUÑA

O adxudicatario será titular dun dereito de uso do ben obxecto da concesión, una vez adxudicado e formalizado o contrato o Concello procederá a expedir o correspondente título da concesión a favor do adxudicatario.

O adxudicatario utilizará os bens de dominio público de conformidade co establecido no Regulamento do Cemiterio Municipal de Camariñas, cuxa aprobación definitiva foi publicada no Boletín Oficial da Provincia da Coruña, número 160 de 25 de agosto de 2025.

XIV.- DURACIÓN DA CONCESIÓN

As concesións administrativas demaniais de nichos, mausoleos, panteóns e columbarios terán unha duración máxima de 75 anos. A renovación da concesión deberá ser solicitada con un mes de antelación á data de finalización da concesión e levará consigo o pago das taxas actualizadas nese momento.

XV.-DESALOYO E ENTREGA Ó CONCELLO Á FIN DA CONCESIÓN.

Ó termo da concesión, ben sexa por cumprimento do prazo ou por calquera outra causa e no prazo máximo de quince días desde esa data ou a notificación da resolución municipal correspondente, o concesionario está obrigado a entregar ó Concello a unidade de enterramento obxecto da concesión en perfecto estado de conservación e libres de calquera carga ou gravame. O Concello, transcorrido o dito prazo poderá en todo caso acordar e executar o lanzamento pola vía administrativa.

XVI.-EXTINCIÓN DA CONCESIÓN.

O dereito funerario extinguirase:

- a) Por morte do/a titular do dereito funerario ou perda da capacidade de obrar, sen que a comunidade hereditaria regularice a situación administrativa nun prazo de 5 anos.
- b) Falta de autorización previa do Concello, nos supostos de transmisión ou modificación.
- c) Incurrir nalgunha das causas de prohibición previstas para contratar na lexislación de contratación do sector público.
- d) Expiración do prazo da concesión, sen que esta fose renovada no prazo máximo de 5 anos. De non renovarse a concesión, requirirase á titularidade para que proceda ao traslado dos restos aos osarios ou columbarios especiais ou outros lugares que permita a lexislación sectorial.
- e) Rescate da concesión, tras a indemnización previa.



CONCELLO DE CAMARIÑAS A CORUÑA

f) Por renuncia expresa dos titulares do dereito, tras a aceptación previa do Concello. A renuncia non dará dereito en ningún caso á devolución total ou parcial do canon satisfeito ou calquera outro tributo ou gasto satisfeito en razón á titularidade do dito dereito ao que se renuncia e non implicará a extinción das obrigas tributarias xeradas con anterioridade, así como de calquera outra clase de obriga recollida neste Regulamento.

g) Por sanción por incumprimento moi grave das obrigas do titular do dereito, de conformidade co disposto no título cuarto do presente Regulamento.

h) Desaparición do ben ou esgotamento do aproveitamento, ao que se asimilará a declaración de ruína.

i) Por abandono da unidade de enterramento. Para todas as concesións de unidades de enterramento, transcorrido un ano ou, se é o caso, o tempo que reste de concesión, desde o enterramento ou falecemento do titular do dereito funerario sen que os beneficiarios favorecidos ou herdeiros insten a transmisión do dereito, o Concello incoará e resolverá o expediente de extinción do dereito funerario. Cando iniciado este expediente se solicite a dita transmisión, cursaráselle ao/á petionario/a, co correspondente aboamento dos dereitos económicos que no seu caso se establezan. Para iso o Concello publicará no taboleiro de anuncios da sede electrónica do Concello, na páxina web, no Boletín Oficial da Provincia, a apertura dun prazo de seis meses para que quen se considere con dereito poida exercer o seu dereito de transmisión da titularidade. Se no dito prazo, contado a partir da última publicación, non se formulase solicitude por ningún, extinguirase a concesión, tras a resolución previa da Alcaldía neste sentido.

k) Calquera outra causa prevista nas condicións xerais ou particulares polas que se rexa a concesión, e demais previstas pola normativa aplicable.

XVII.- INTERPRETACIÓN.

O Concello ten a facultade de interpretar as condicións establecidas no prego resolvendo as dúbidas que ofrezca o seu cumprimento.

XVIII.- NORMATIVA APLICABLE

A concesión sobres as unidades de enterramento rexerese polas disposicións contidas neste prego, polas disposicións contidas no Regulamento do Cemiterio Municipal de Camariñas, cuxa aprobación definitiva foi publicada no Boletín Oficial da Provincia da Coruña, número 160 de 25 de



CONCELLO DE CAMARIÑAS A CORUÑA

agosto de 2025 e na Ordenanza fiscal nº 14 Reguladora da Taxa do Cemiterio Municipal cuxa aprobación definitiva foi publicada no Boletín Oficial da Provincia da Coruña, número 161 de 26 de agosto de 2025 e pola normativa que sexa de aplicación en cada momento

XIX.- XURISDICCÓN COMPETENTE.

As cuestións litixiosas xurdidas sobre interpretación, modificación, resolución e efectos deste contrato resolveraos o órgano de Contratación, cuxos acordos porán fin á vía administrativa e contra eles terá lugar o recurso contencioso-administrativo, conforme ao disposto pola lei reguladora da dita xurisdicción, despois da interposición previa, se é o caso, do recurso de reposición potestativo e sen prexuízo da interposición de calquera outro recurso que os interesados consideren procedente.

Asinado dixitalmente en Camariñas, na data da sinatura dixital que figura ao marxe, a Alcaldesa do Concello, dona Sandra Insua Rial.



CONCELLO DE CAMARIÑAS

A CORUÑA

ANEXO I

SEÑORA ALCALDESA-PRESIDENTA DO CONCELLO DE CAMARIÑAS

SOLICITANTE (*)

Don/dona _____ DNI ou CIF _____ con
teléfono _____ con domicilio a efectos de notificación
en _____ e correo electrónico aos mesmos
efectos _____.

NOTIFICACIÓN ELECTRÓNICA

Solicito a práctica de notificacións por medios electrónicos.

Aviso de notificación en _____ (teléfono móbil) e/ou
_____ (correo electrónico)

Recibirá un aviso por correo electrónico e/ou ao teléfono móbil sobre a posta a disposición da notificación na Carpeta Cidadá. Para acceder a esta será necesario dispor **usuario/a e contrasinal** ou **certificado electrónico**.

As persoas físicas non obrigadas recibirán as notificacións por correo postal, salvo que elixan a notificación electrónica como medio preferente (art. 14.2 da Lei 39/2015, do 1 de outubro, do procedemento administrativo comúns das administracións públicas).

SOLICITO a concesión administrativa por un prazo de 75 anos no Cemiterio Municipal de Camariñas, Estrada do Vilán s/n, 15123 (Camariñas), de _____ (**) unidades de enterramento (nichos).

De conformidade co art. 28.2 da mencionada Lei 39/2015, esta administración poderá consultar ou recadar os datos ou documentos necesarios para a tramitación da súa solicitude, salvo que manifeste a súa oposición a esta consulta no seguinte recadro, no que deberá achegar vostede a documentación:

Non autorizo o acceso

(*) Estes datos incorporaranse ás correspondentes actividades de tratamento do Concello de Camariñas e serán tratados coa finalidade específica de cada tratamento de conformidade coa regulación establecida polo Regulamento (UE) 2016/679 do Parlamento Europeo, L. O. 3/2018, de 5 de decembro, de protección de datos persoais e garantía dos dereitos dixitais e demais disposición de aplicación. As persoas cuxos datos persoais sexan tratados polo Concello de Camariñas poderán exercer os dereitos de acceso, rectificación, supresión, oposición, limitación do tratamento e



CONCELLO DE CAMARIÑAS A CORUÑA

portabilidade, así como a opoñerse á toma de decisións individuais automatizadas, incluída a elaboración de perfís, na forma prevista na lexislación vixente sobre a materia, perante o órgano responsable do ficheiro.

(**) Completar co número de unidades de enterramento (nichos) que se solicitan e que non poderá exceder de 4.

Camariñas, a _____.

Sinatura.

Votación

Votos a favor:

- 1 GRUPO MIXTO - BNG
- 8 GRUPO MUNICIPAL SOCIALISTA
- 3 GRUPO MUNICIPAL POPULAR

Votos en contra:

- 0 GRUPO MIXTO - BNG
- 0 GRUPO MUNICIPAL SOCIALISTA
- 0 GRUPO MUNICIPAL POPULAR

Abstenciones:

- 0 GRUPO MIXTO - BNG
- 0 GRUPO MUNICIPAL SOCIALISTA
- 0 GRUPO MUNICIPAL POPULAR.”

Camariñas, asinado dixitalmente na data que figura na marxe pola Alcaldesa D^a Sandra Insua Rial.